

BE.254. O JESUS SIPANGOLU (F=1)

=====

B.E. 254. O JESUS SIPANGOLU

1. O Jesus Sipangolu Parasiroha i Sai loas au mangolu Palas ma rohangki
Pasihar ma bohingku Pangolu ma tondingku Tangihon hatangki.
2. Sai sesa ma dosangku Huhut padao ma i Paombun ma rimasMu Di au parjahati
Gok dame baen rohangku O Tuhan Debatangku Tangihon hatangki
3. Pabali sian ahu Sude na roa i Na mangingani ahu Mangago tondingki
Ho naeng ihuthononku Ho naeng pasangaponku O Jesus Tuhanki.
4. Patiur ma rohangku Marhite TondiMi Ai naeng do antusanku HataM na denggan i
Naeng haporseaonku Tongtong hasintonganmu Padaohon jea i.
5. Pagorgor di rohangku Ma holong ni roham Ai naeng haholonganku Do Ho ro di hatam
Sai naeng pasauthononku Do lomo ni rohaMu Dibaen denggan basaM.
6. Antong sai pargogoi ma Au on na bojok i Ai ingkon dipatupa Tondim do i sude
Tung aha ma gogongku Lao mangoloi patikMu ? Di au soada be.
7. Dibahen i Tuhanku Asi ma rohaMi Pauba ma rohangku Sai pargogoi ma i.
Tongtong ingani ahu Huhut sai togu ahu Tu dalan na ture.